


# TSELA TSE PEDI



## GO KGETHA TSELA

Ga re simolla Loeto go ya golo gongwe kwa re iseng re ke re ye teng, re ya tle re botse gore re tseye tsela efe. Re tsamaya ka matlho a bulegileng, ga re lemoga gore re mo tseleng e phoso, re ya tle re retologe re botse ka tsela e siameng.

Ka letsatsi le letsatsi re tsamaya mo lefatsheng re lebile bosakhutleng, bokhutlo bo bo sa feleng, bo o ka se tsweng go bona ga o setse o le kwa teng. A o itse kwa o yang teng?

## BUKA E RE GOGANG

Modimo, ka lorato le mogau wa gagwe, O re file Buka e e re Gogang, Bibe, e e re botshang tsela e yang legodimong sentle. Puo e mo pampitshaneng ye e tswa mo yona Buka ye. "Lefoko la gago ke lebone maotong a me, le lesedi tseleng ya me." (Pesaleme 119:105).

## TSELA E ATLHAMENG

Go batho ba ba ntsi mo tseleng ye. “Gonne kgoro e atlhame, tsela le yona e kgolo e isang tshenyegong, le ba ba tsenang ka yona ba bantsi.” (Matthaio 7:13).

Bongata ba bona bo butse matlho. Ga ba itse, kampo ga ba kgathale, ge ba le mo tseleng e yang tatlhegong. “Go na le tsela e eketeng e siame mo mothong, me bokhutlo joa yona ke ditsela tsa losho.” (Diane 14:12). “Mo go ba modimo wa lefatshe yeno o foufaditseng megopolo ya ba ba sa dumeleng.” (2 Bakorintha 4:4).

## MERWALO

Batho ba ba mo tseleng ye ba imetswe ke sebe, “**Botlhe ba leofile**, ba tthaetse kgalaetso ya Modimo.” (Baroma 3:23). Ga re na go fitlha le ga ele sebe sengwe mo Modimong. “Gonne motho o leba bokafantle, me Jehova o leba pelo.” (1 Samuele 16:7). Wena le nna ga re na go itlosa sebe le ga re ka leka. Morwalo o nna mokete ga ntse re tsamaya. Gonne “Tuelo ya sebe ke Losho.” (Baroma 6:23).

## MOLLO

Ka Modimo a le boitshepo a siame, go tshwanetse go be kotlo ya sebe. Lefoko la Modimo le re bolella gore go na le dihele, golo ga kotlo ya bo sa khutleng goba ba sa ikobeleng Modimo. Bibe le ya re, “Baikopi ba tla boela boikepong, ebong merafe eotlhe e e lebalang Modimo.” (Pesaleme 9:17). Go gona gore o nne bosula thata go ya teng— ke ya bona ba ba lebalang Modimo.

Modimo ke Modimo wa lorato, “O sa rate gore ope a shwe, ga ise gore botlhe ba tle boikotlhaong.” (2 Petere 3:9). Mo mogaung wa gagwe o mogolo le lorato, **O diretse botlhe ba ba batlang tsela ya go falola. A o batla go bona tsela ya bophelo?**

## TSELA YA BOPHELO – MMOLOKI

Ka re reteletswe go ipoloka mo sebung, le eseng mo petsong e re tshwanetseng ya sebe, **Modimo o re file Mmoloki**. “Gonne Modimo O ratile lefatshe jalo, wa ntsha Morwa Ona yo o tsetsweng a le esi, gore le ga e le mang-mang yo o dumelang mo go Ena a se ka a nyelela, me a bone botshelo jo bo sa khutleng.” (Johane 3:16). Modimo, Rara wa Legodimo, O rometse Morwa Ona o esi, Morena Jesu Kresete, mo lefatsheng a tswa legodimong; a phela jaaka motho, mme ga a ka a leofa. A tsamaya a dira go loka: A fodisa balwetsi, a ntlafatsa baleperwa, a ntsha batimona, a itshwarela baleofi ba sokologang, a ruta batho ka Modimo.

Empa maikaelelo a magolo a gagwe a go nna motho e ne e le go swa e le sethabelo go botlhe; go neela bophelo ba gagwe bo Boitshepo, bo se nang sebe, le go tsholla madi a gagwe a bothokwa go duela molato wa dibe tsa rona. A dumella banna ba bosula go mo tsaya, ba mo otlaga gobe mokokotle wa gagwe o tswe madi, ba mmaya serwalo sa mebitlwa mo tlhologong, la bofelolelo ba mo kokotela diatla le maoto mo setapaanong,

mo a pegilweng ka bothoko. “Yo e leng Ene ka esi o belegeng dibe tsa rona mo mmeleng wa gagwe. A le mo setlhareng.” (1 Petere 2:24). O swetse wena le nna.

## **TSOGO YA GAGWE**

Morago ga malatsi a mararo mo phupung, Jesu Kresete a tsoga mo baswing. A tsamaya a bua le barutwana ba Gagwe, morago ga malatsi a 40 a tlhatlogela legodimong, mo a dutseng letsogong le le isameng la Modimo, – Mmoloki ya phelang, Yo “matla othe... legodimong le lefatsheng.” (Mathaio 28:18). “Ke gona ka moo le gona a nonofileng go bolokela ruri ba ba atamelang Modimo ka Ena, ka a ntse a tshedile ka metlha yotlhe go ba rapelela.” (Bahebera 7:25).

## **LEGODIMO**

Legodimo ke fa Modimo O dulang teng mo kgalalalong ya gagwe. Morena Jesu O rile, “Ke ya go le baakanyetsa bodulo. Mme ga ke ya go le baakanyetsa bodulo, ke tla gape, mme ke tla lo itsholela; gore kwa ke leng gona le lona lo nne gona.” (Johane 14:2,3).

Ke bodulo bo makatsang, kwa, “Modimo O tla phimolang dikeledi tsothle mo mathong a bone; mme ga go kitla go tshole go le losho; le gona ga go kitla go tshole go le bohutsana, le ga ele selemo, le ga ele bothoko; dilo tsa pele di feletse ruri” ... “Mme ga go kitla go tshola go nna bosigo... gonne morena Modimo O tla ba naya lesedi.” (Tshenolo 21:4; 22:5).

Ke felo fa go boitshepo. “Mme ga go kitla go tsena mo go Ona sepe se se itshekologileng gope, le ga e le yena yo o dirang se se makgapha le maaka; ga e se ba ba kwadilweng mo Bukeng ya Botshelo ya Kwana fela.” (Tshenolo 21:27).

**Tsela e nngwe fela e yang legodimong.** Morena Jesu O rile: **Ke Nna tsela, boamaruri, le botshelo: Ga go tle ope go Rara, ga e se ka Nna.** (Johane 14:6). **“Mme ga go na poloko go ope o sele; le gona ga go leina lepe le sele fa tlase ga legodimo, le batho ba le neilweng le re nang le go bolokwa ka lona.”** (Ditiro 4:12).

## **RE KA TSENA JANG TSELENG YA LEGODIMO ?**

**1. “Tihabologang, le dumele Efangedi.”** (Mareko 1:15). Go tlhabologa ke go ikwatlhaela dibe o boele go Modimo ka pelo yotlhe.

**2. Tlaga go Morena Jesu, ka thapelo,** fela jaaka o ntse ka morwalo wa gago wa sebe, o mo kope gore a go itshwarele. A re, “Yo o tlang go nna, ga nkitla ke mo kgoromeletsa ntle.” (Johane 6:37). “Tlang go nna botlhe ba le lapileng, ba le imelwang, mme ke tla le lapolosa.” (Mathaio 11:28).

**3. Tshema Kresete fela mo polokong ya gago.** “Madi a Jesu Morwa Ona a re tlhapiso mo boleong botlhe.” (1 Johane 1:7).

**4. O tla go fa motshelo jo bosha... Botshelo bo sa feleng.** Kresete a re “Yo utlwang lefoko la me, mme a dumela Yo O ntlhomileng, o na le **botshelo jo bo sa khutleng,** mme ga a tle mo tshelong; o dule mo loshong, **o fetetse mo botshelong.**” (Johane 5:24). “Mme ke gona, ga



motho a le mo go Kresete, wa ba a le sebopiwa se sesha: dilo tsa bogologolo di fetile; bonang di ntse dincha.” (2 Bakorintha 5:17).

5. O tla baane le kagiso le nnete. “Mme ke gona, e re ka re siamisitswe ka tumelo, re na le kagiso le Modimo ka Morena wa rona Jesu Kresete.” (Baroma 5:1).

“Mme tshupo ke yona ye, gore Modimo O re neile botshelo jo bo sa Khutleng, mme botshelo jo bo mo go Morwa Ona, Yo o nang le **Morwa** o na le **botshelo**; mme yo o se nang **Morwa Modimo** ga a na **botshelo jo**. Dilo tse ke di lo kwaletse gore **lo itse ga le na le botshelo jo bo sa khutleng**, ke raya lona ba lo dumelang mo ineng la Morwa Modimo.” (1 Johane 5:11-13).

## **TSELA YE O KA PHELANG BOPHELO JO BOSHA**

1. **Bala Biblele** ka metlha. Kwa ntle le go ba lesedi tseleng ya gago, ke sejo sa moya. “Fela jaaka banyana ba e leng gona ba tsalwang, le tlhologe le mashi a semoya, gore le gole.” (1 Petere 2:2). Kopa Modimo go go goga le go go ruta, ga o ntse, o bala, ka Moya O o Boitshepo.

2. **Tlaya gaufi le Modimo ka thapelo ka metlha.** O rapele ka leina la Jesu. “Lo seka lwa tlhobaediwa ke sepe; mme mo dilong tsotlhe a ditopo tsa lona di itsisiwe Modimo ka thapelo le kokotlelo, di na le tebogo. Mme kagiso ya Modimo e e fetang thaloganyo yotlhe, e tla dibeleda dipelo tsa lona le megopolo ya lona mo go Kresete Jesu.” (Bafilipi 4:6,7).

3. **Bua go bangwe ka Kresete.** “Eya kwa ga eno kwa ditsaleng tsa gago, o ba bolelele dilo tse dikgolo tse Morena O di go diretseng.” (Mareko 5:19).

4. **Mo molekong, bitsa Morena.** “Gonne e re ka ena ka esi a bogisegile ka a raelwa, o nonofile go thusa ba ba raelwang.” (Bahebere 2:18).

5. **Ga o wela mo sebeng, se e pobolele Modimo ka pele.** “Ga re ipolela dibe tsa rona, Ona O boikano le tshiamo ya go re itswarela dibe tsa rona, le go re tlhapisa mo tshiamololong yotlhe.” (1 Johane 1:9).

6. **Leka go tiwaelana le badumedi mo go Jesu Kresete.** “Taolo ya me ke ye: gore le ratane, fela jaaka le nna ke le ratile.” (Johane 15:12).

7. **Ikobele Modimo ka gale.** “Ga motho a nthata, o tla tshegetsatsa Mafoko a me.” (Johane 14:23).

8. **O seka wa boifa, Kresete o na le wena.** “A re, ga nkitla ke go tlogela gope, le eseng go go latlha.” (Bahebere 13:5).

9. **Ineele gotlhe-gotlhe go Morena Jesu Kresete.** Dumella gore a laole botshelo jwa gago ka fa go rateng ga gagwe. Ka tsela ye o tla bona boitumelo iwa nnete.

---

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)